

HSET II PHIERO'

Bàu hmàih ka oh daq

¹ Simôn Phiero, mangai hapǒng xam mangai Tiaq cla da Chuaq Jesus Christ, achih am ka òai mangai ma hadai khoe jah manoh lùì lem lình qmang ka da nhèn, canòm ajang kan taq atoq da Boc Plình xam da Chuaq Jesus Christ, aih Chuaq dèch bèn:

² waiq kan tabàih dech xam kan catèm jah am tam ka oh daq rai èh rai bàc, majah qmang aih pàng manòeq kô oh daq khoe loq ka Boc Plình xam Chuaq Jesus Christ, aih Chuaq da bèn.

Boc Plình khoe am ka bèn rìm yiniq

³ Cwìang itai da Boc Plình khoe am rìm yiniq bèn ma waq ka i ta kan rìh loq iu yùq. Broq bèn loq ka Mangai yǒc kan ranhòm xam kan loq hanò òòeq creò ka bèn,

⁴ èh hadai taiq kan ranhòm xam kan loq hanò aih haq am tam bàu tèu hòim ka bèn tabài yiniq ma òìq jaq kàn òìq jaq lem, canòm ajang aih òòeq bèn jah claih ka kan om ech loh enh manoh cla ma loq ònh, òòeq wìa mangai i kan rìh da Boc Plình.

⁵ Aih iq, dài oh daq majah ep àu òìq ka padren òòeq tam ka manoh lùì kan lem manoh, tam ka kan lem manoh kan hǒc loq,

⁶ tam ka kan hǒc loq kan amàn, tam ka kan amàn kan loq kềm, tam ka kan loq kềm kan loq iu yùq,

⁷ tam ka kan loq iu yùq kan loq waq ka oh daq, tam ka kan loq waq oh daq kan alàng.

⁸ Tàng joq rìm yiniq kô tòm taih ùh dìq ùh dài ta oh daq, bài yiniq kô blinh ùh òòeq ka oh daq oe dech ùh loh plì ta kan canau loq ka Chuaq Jesus Christ bèn.

⁹ Mahaq tàng cabô ùh i ka bài yiniq kô, haq loh mangai hnoq ùh hangai, loh mangai ùh xau, hèt ka raðeh khoe jah broq hreo dèh ka yiniq lui enh nèh.

¹⁰ Qmang aih, oh daq ep àu òòeq broq ka cajap trong Chuaq ma khoe creò khoe ràih pì. Tàng oh daq broq bài yiniq kô, aih èh oh daq ùh hìaq catoeh cro;

¹¹ aih èh, oh daq jah òòeq qmòè ka laq alàng mùt ta diac halinh mòeq òòeq da Jesus Christ aih Chuaq da bèn, aih Mangai dèch bèn.

¹² Qmang aih, yac ka oh daq khoe loq khoe cajap deh trong joq qnàng kô, mahaq dua au ùh hêq ka bahmàng hlài bài biac kô ka oh daq.

¹³ Mahaq waq toq au oe raq ta hnim ranòh kô pang leq, au ngan trong au ma yòc bàu anoe òòeq hu pariaq oh daq aih trong au ep broq;

¹⁴ majah qmang aih au loq raðeh ep rênh loh khoe ka hnim ranòh kô, wop tìah qmang ka Jesus Christ aih Chuaq da bèn khoe doe ka au.

¹⁵ Au àu broq dìq dèh ka padren òòeq atìq ka jò au khoe loh lam, oh daq ùh hèt ka bài yiniq au khoe anoe kô.

¹⁶ Qmang aih, jò nhèn broq ka oh daq loq cwàng itai xam biac Chuaq Jesus Christ bèn trùh, aih ùh xài nhèn rabiaq ka qmon lìq, mahaq mat cla nhèn khoe hnoq qmòè kan ranhòm haq.

¹⁷ Majah qmang aih Haq khoe jah kan ranhòm xam kan qngah qngai enh Boc Plình, aih Baq da haq, jò Boc Plình ma òiq jaq haqnhèq doe ka haq: “Kô Kon au ma loq waq dèh, lem manoh au rìm trong.”

¹⁸ Cla nhèn hadai tàng qmòe bàu aih loh enh plình, jò nhèn ma oe ti haq ta wang hadròeh.

¹⁹ Aih iq, kiang nhèn lùì tam bàu bài pajàu ùh hnau hòmh, oh òaq khòh hmàng ka bàu aih, tìah ka hadreo sreo tanòe clam cluiq, trùh jò dahì hi loh, trùh jò halǒng sroq tǒc ta manoh pì.

²⁰ Adroe òiq òng oh òaq ep loq rameh, ùh i bàu pajàu leq ta hset Hadròeh kô bèn jah yǒc manoh òa cla òòeq hu anoe hnài.

²¹ Majah qmang aih, ùh i ka bàu pajàu leq ma loh enh manoh cla kon mangai, mahaq aih jao Yiang Hadròeh mahnu ta manoh wì haq, òài wì ma khoe capoch qnoh bàu Boc Plình.

2

Bài pajàu patìah

¹ Yac ka qmang aih, enh nèh raq khoe i bài mangai pajàu patìah oe taqne oh òaq, aih èh hadai i mangai hnài patìah oe taqne oh òaq, wì haq hnài trong patìah òòeq ti habo, cađac Chuaq ma khoe baxon hlài rađeh, taqmac yǒc ka rađeh kan raliang ùh tem hnoq.

² I bàc ngai top òua wì haq ta trong rìh acaq ma jàng ka camaih, jao bài aih òài wì majah halé patah òac trong joq qnàng.

³ Wì haq tiaq òeh kan plai ta manoh, yǒc bàu pajàng òòeq aluàn oh òaq òòeq hujah lòeq,

mahaq kan tah hadrah gòm ðòeq wì haq khoe dùnh, kan raliang da wì haq ùh i panoc.

⁴ Majah qmang aih, tàng joq Boc Plình khoe ùh adênh ka bài bình plình broq yiniq lui, mahaq khwênh caqnìh bài aih ta hwin jrùq, yóc kaxi datoeq kàt ðòeq bài aih tanòe clam cluiq ðòeq gòm kan hadrah;

⁵ tàng joq Haq khoe ùh adênh ka crông taneh calah nèh. jò haq ma thê diac kàn trùh glua dõng bài mangai ma ngang dù aih, rong ðòeq toq No-ê aih mangai hnài trong taq ataq, xam tapèh ngai qnoeq hòh;

⁶ tàng joq Haq khoe hadrah gùng Sođôm xam gùng Gomôro, bủ ðac gùng aih loh dõng loc, ðòeq broq dua ka mangai ngang dù taqnghòng atiq hu hnoq;

⁷ tàng joq Haq khoe paclaih Lot aih mangai taq ataq, mangai ma toq mangò ðeh ka trong rìh acaq ùh lem da bài mangai ngang dù tau,

⁸ (majah mangai taq ataq kô rìh taqne wì aih, don tàng, mat hnoq kan ùh wìa da wì aih, manoh cliac taq ataq da haq jìq qmòe rìm hì),

⁹ qmang aih, Chuaq dèch mangai ma loq iu yùq ka haq claih enh kan padô qnùt, rai baxa bài mangai ùh taq ataq, clêh padràng wì aih ðòeq gòm trùh hì tah hadrah,

¹⁰ ta aih kiang bài mangai ma iu tiaq deh manoh cla ònh toq kan ùh wìa, jù ðac cwìang enh qnhèq.

Bài aih ùh yùq ka catèh rađeh, ùh hòq ka capoch qmèq ka wì craq,

¹¹ yac ka bình plình aih bài yiang ma dèh padren i cwìang itai yeo hnau ka wì haq dua ùh hùà i

mòeq nà bàu capoch brùaq jò hadrah ka wì craq enh ngèa ka Chuaq.

¹² Bài aih toq ti jù halê đac trong đeh ma ùh qnì, wì haq budàng ngè wì ma ban ta hnim ùh i ka manoh loq hèm cleq, xêh loh đòeq toq hu rùp broq jam, wì aih hadai cachit lùch qmang ka bài ngè aih diq, qmang aih wì haq jah baha tiaq dèh trong dù wì haq khoe broq.

¹³ Wì haq yỏc trong acaq ôq bủbia dahì broq kan hyòq bủi, wì haq aih bài habau qmèq bài kan amùa, enh toq ti amòng jò haqngui acaq yiniang ti oh daq;

¹⁴ mat da wì haq bình toq kan tango, wì haq ùh hêq ka broq yiniq lui, padô aluàn mangai ma ùh qnhrang manoh, wì haq hmòt toq trong daiq plai, bài aih troq toq ka ra-òh hamaiq đac raq.

¹⁵ Wì haq khoe cađac trong ma hnhuh jang đòeq lam hwang tiaq trong da Bala-am, kon calô da Bôso, aih mangai daiq ka kùng baha enh kan dù, mahaq, haq aih khoe ep tàng bàu cwò jò haq broq trong dù,

¹⁶ aih bàu loh enh hacùng kon lù aih ngè lâu jah capoch bàu mangai, đòeq tạt padràng kan ranhù a ratút da pajàu aih.

¹⁷ Bài aih tìah ka thòng ùh i ka diac, tìah ka yùc glàm cayeo dèh hlui đac, èh kan clam cluiq khoe rap đòeq wì haq.

¹⁸ Wì haq yỏc toq bàu catèh pajiang dech raq, yỏc deh kan ònh da xech akia xam trong tango anang đòeq padô bài mangai maneo claih enh trong ùh troq aih.

¹⁹ wì haq tều am kan paclaih, yàng cla wì haq

aih broq dïc ka kan om ech, majah qmang aih i yiniq cleq ma khoe blêq kon mangai, aih êh kon mangai ep broq dïc ka yiniq aih.

²⁰ Majah qmang aih, tàng wì haq khoe canòm ka Chuaq dèch bèn aih la Jesus Christ òòeq claih kan amùda da crông taneh kô, yàng tawìh hlài hu broq dïc bài trong aih hòh, hì atìq da wì haq aih êh yeo hamoq loe ka jò baxèm hòh.

²¹ Wì haq khoe loq ka trong taq atoq, yàng êh talùi đac ka bàu hadròeh ma khoe hnài radèh, qmang aih ùh qnì dõng aih yeo lem hòh.

²² Wì haq joq khoe wop qmang ka bàu aliah: Koq liah hlài dèh hac, chùa khoe dahùm êh catàm hlài ta tráp. ChCn 26:11

3

Hì Chuaq wìh hlài

¹ Yôi oh daq da au, kô aih yàng baiq au achìh jàiq ka oh daq. Ta jàiq kô xam jàiq ma adroe, au àu chaq trong òòeq bahmàng rai pariaq manoh lem da oh daq,

² au enh pì hmàng hlài dìq ka bàu pajàu hadròeh khoe anoe calah nèh xam bàu thê da Chuaq, aih la Chuaq dèch bèn haq khoe thê bài mangai tiaq cla da haq khoe anoe hnài.

³ Angoe aih ep loq rameh, taqnhòng atìq lùch êh i bacc ngai loq halê patah, yốc bàu do racaih, rìh tiaq dèh kan loq ònh da manoh cla,

⁴ trùh doe: Aleq bàu Chuaq ma doe haq trùh hlài, bàu aih taleq? Majah qmang aih enh qnhòng bài boc yaq nhèn cachit enh nèh trùh manòeq, rìh

yiniq dua oe raq qmang ka jò baxèm i plình crống taneh?

⁵ Wì haq to ùh hmàng, canòm ka bàu Boc Plình men i plình i crống taneh, taneh wìa enh diac, khoe loh enh qne diac,

⁶ crống taneh qnhòng aih hadai khoe raliang ka diac aih, haq khoe cram ka diac kàn.

⁷ Mahaq plình crống taneh qnhòng aih hadai canòm ka bàu aih men oe trùh mamòeq, hu òòeq padon am ka ùnh, ùnh jah baxù cađac haq ta hì tah hadrah òòeq raliang đac mangai dù.

⁸ Mahaq oh daq da au, apaq hèt mòeq yiniq kô, enh ngèa Chuaq mòeq hì budiang mòeq muàn hanam, mòeq muàn hanam budàng mòeq hì.

⁹ Chuaq ùh batrò dèh bàu haq ma khoe anoe qmang ka wì tau ma xoh, mahaq Haq khoe chiùq àt ka oh daq, ùh enh mòeq ngai leq cachit hnhung, mahaq enh ka rìm ngai loq raxach wìh hlài.

¹⁰ Mahaq hì da Chuaq tìah ka mangai atùng. Jò aih èh, i atêh gruàng mòeq qmang ka dèh, èh bài caqnàm plình hì hnhung dồng, rìm yiniq ta aih ùnh bùh dồng, taneh xam rìm yiniq enh crống taneh hadai ùnh bùh dìq dồng.

¹¹ Rìm yiniq dìq ep palùng cađac qmang aih, ha oh daq kô èh ep rìh qmang leq? Oh daq kiang ep rìh hadròeh rai iu yùq Boc Plình,

¹² jò oh daq qnang tangèh gòm hì da Boc Plình rênh trùh, aih hì ùnh ma bùh đac dìq dồng caqnàm plình xam rìm yiniq ta aih dìq cheo wiac dồng.

¹³ Mahaq tiaq bàu Haq ma khoe têu, bèn tangèh gòm tróc neo, taneh neo, aih nòe da kan taq atoq rìh oe.

¹⁴ Qmang aih, dìq ka oh daq da au, aih raq yiniq

oh daq ma tangèh gòm, dài oh daq majah ep dìq ka padren wèq rađeh, ðòeq Chuaq hnoq oh daq rìh acaq catèm ùh hìaq i xit i habau, ùh i ajang leq ep cwò.

¹⁵ Khoe aih, ep ngan loq rameh Chuaq da bèn chiùq àt ka dùnh aih ðòeq hu jah dèch oh daq, tìah ka Phaulô, oh daq ma haten hatia da bèn, khoe yóc kan rabiaq Boc Plình am ka rađeh hu achìh jàiq ka oh daq.

¹⁶ Ta rìm yàng achìh ka oh daq, haq hadai ràu trùh bài trong aih, ta aih i tang nòe xa ka loq tàng, dài bài mangai ma blùng ùh cajap manoh lùì, wì yóc jang aih ðòeq capoch patah đac taqnoeq, tìah ka wì haq khoe capoch liq ajang noeq oe ta hset Hadròeh dìq, taqmac yóc ka rađeh kan raliang hnhung.

¹⁷ Qmang aih, oh daq da au, pàng oh daq khoe jah loq adroe, oh daq ep wèq rađeh ma rabiaq haq oq, yùq èh tabeq oh daq troq kan camit enh bài mangai dù aih padô. Cađac hnhung kan cajap da rađeh.

¹⁸ Drah rai kàn ta kan tabàih dech xam ta kan loq ka Chuaq xam Chuaq dèch bèn, aih la Chuaq Jesus Christ.

Waiq kan ranhòm hlài dìq ta Chuaq enh qnhòng manòeq trùh hloe ta calah mòeq ðòe! Amen.

Hset Hadròeh
The New Testament in the Hre language of Vietnam,
translated by Baq Thi

Copyright © 2024 Baq Thi

Language: (Hre)

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-23

PDF generated using Haiola and XeLaTeX on 26 Jul 2025 from source files dated 23 Jul 2025

03fbbc53-13cb-5444-945a-741163b0252d